



Jarle Eikanger
Mykingvegen 63
5913 EIKANGERVÅG

Referansar:
Dykkar:
Vår: 22/7500 - 22/86419

Sakshandsamar:
Svein Arne Vågane
svein.arne.vagane@alver.kommune.no

Dato:
14.11.2022

Løyve til å bygge landbruksveg som omsøkt på gbnr. 212/6 Eikanger i Alver kommune.

Administrativt vedtak: Saknr: 1281/22

VEDTAK:

Med heimel i forskrift om planlegging og godkjenning av landbruksvegar gjev Alver kommune Jarle Eikanger løyve til å byggje landbruksveg etter søknad dagsett 10.10.2022 på gnr. 212, bnr. 6 Eikanger i Alver.

Det vert sett fylgjande vilkår:

- Om det kjem fram kulturminne under arbeidet må alt arbeid stogkast og Vestland fylkeskommune, avdeling for kultur, idrett og inkludering varslast.
- Under arbeidet må ein så langt råd er, søkje å unngå skade/inngrep på eventuelle kulturlandskapstrekk.
- Om det er naudsynt å bruke tilkøyrt masse, må tiltakshavar dokumentere at massane ikkje er ureina.
- Tiltakshavar lyt syte for at eventuelle privatrettslege tilhøve er avklara som t.d. godkjent avkøyrsløyve.
- Vegen må byggjast i tråd med tekniske krav som vedkjem vegklasse 7 (traktorveg) i «Normale for landbruksveier – med byggebeskrivelse».
- Vedtaket er gyldig til 01.12.2025 og tiltaket må vere ferdig innan 01.12.2026.

Om ikkje arbeidet er sett i gong innan frist for løyvet, fell løyvet bort jf. landbruksvegforskrifta § 3-2.

Saka gjeld

Jarle Eikanger søkjer om å få byggje veg på gnr. 212, bnr. 6 Eikanger. Vegen skal byggjast i vegklassa 7 – traktorveg. Lengda er gjeven opp til 125m, men under synfaringa kom det fram

at det kan vere at vegen vert eit stykke lenger. Nyttan av vegen er 100% skogbruk og det har tidlegare gått ein enkel veg her. Startpunktet for vegen er i tilknyting til arbeidet med Nordhordaland næringsområde. Vegen vil gå i nordleg retning frå dette punktet.



Fig. 1. Vegen vil ta til om lag der pila syner og gå rett mot nord. I framgrunnen og mot startpunktet for den omsøkte vegen, finn vi Nordhordaland Næringspark.



Fig. 2. Spor etter tidlegare enkel veg syner i heile traséen.



Fig. 3. Den nye vegen vil ende i dette området.

VURDERING:

Formålet med landbruksvegforskrifta er å sikre at planlegging og bygging av landbruksvegar skjer på ein måte som gjev best moglege heilskapsløysingar. Samstundes skal det leggjast vekt på omsynet til miljøverdiar som naturmangfald, landskap, kulturminne og friluftsliv, omsynet til fare for flaum, erosjon og lausmasseskred og endeleg andre interesser som vert råka av vegframføringa.

Vegen gjev tilkomst til og rasjonell hogst av skog og vidare på eigen eigedom og er såleis i tråd med føremålet.

Prinsippa i §§ 8-12 i naturmangfaldslova er lagt til grunn ved vurdering av vedtaket. Det er særleg lagt vekt på berekraftig bruk og vern av naturmangfald der den samla belastninga for økosystemet vert vurdert både på staden, men og i ein større samanheng. Kommunen har mellom anna søkt i naturbasen (via gardskart) og artsdatabanken. Det er ikkje gjort funn i traséen eller området i nærleiken.

Søknaden har vore sendt på høyring til Vestland fylkeskommune, Statsforvaltaren i Vestland og Alver kommune, kultur.

Vestland fylkeskommune kan ikkje sjå at traséen kjem i direkte konflikt med kjende automatisk freda kulturminne. Fylkeskommunen har difor ingen avgjerande merknader utover at ein under arbeidet søkje å unngå inngrep/skade på eventuelle kulturlandskapstrekk som steingardar, eldre vegar/stiar, bakkemurar, tufter med meir.

Fylkeskommunen syner òg til meldeplikta etter kulturminnelova § 8, 2.ledd. Dersom automatisk freda kulturminne som gjenstandsfunn, flekkar med trekol eller konstruksjonar vert avdekt under arbeidet, må dette straks meldast til Vestland fylkeskommune. Alt arbeid må då

stoggast til rette forvaltningsmynde har vurdert funnet. Eventuell gransking vil verte gjennomført mindre enn 3 dagar etter melding om mogleg funn.

Statsforvaltaren har vurdert både miljø- og landbruksinteressene. Statsforvaltaren har ingen merknad til søknaden.

Alver kommune, kultur har ikkje merknader til søknaden.

Sidan vegen startar frå område knytt til næringsparken, ser vi det som lite sannsynleg at det trengs godkjenning av avkøyrsløyve. Det er likevel slik at tiltakshavar er ansvarleg for å ha dette formelt i orden.

Etter ei samla vurdering finn kommunen at søknaden kan komast i møte.

Regelverk

- Forskrift om planlegging og bygging av landbruksvegar
- Normaler for landbruksveier – med byggebeskrivelse
- Naturmangfaldslova
- Forvaltningslova

Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

Klage

Vedtaket er eit enkeltvedtak etter reglane i lov om offentlig forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ynskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ved all vidare kontakt i denne saka, ver venleg og referer til saknr.: «22/7500»

Med venleg helsing
Alver kommune, Landbruk

Laila Bjørge
Avdelingsleiar

Svein Arne Vågane
Rådgjevar

Dette dokumentet er elektronisk godkjent og har difor ingen signatur.

Mottakarar:

Jarle Eikanger

Mykingvegen 63

5913

EIKANGERVÅG